


7/16/52
1812
Main Catalog
Berlin 2838
J.H.G.

ARMY MEDICAL LIBRARY
WASHINGTON
Founded 1836



Section Incunabula

Number 312214

First blank leaf missing

NJe nach volgt ein loblich Tractat eins
nemen Doctors der ergney mit namem
Arnoldi de noua villa der ein arzt des kün
nigs vō frandreich gewesen ist Diser tractat halter
in vō berayttung vñ geprachung d wein zu gesunt heyt
d mensche/ Welches buchlein der subtil vnd symreich
Wilhelm von hirtē ofen genant Zennwart zu lieb
vnd gefalle den fürsichtige Ersame vnd weisen Bur
germaistern vnd rate der loblichen statt Nuremberg
von latein zu Teütsch transferiert vñ beschribē hatt/
Also anfehant.



DEn kuss des ertrichs/ vor de füessen
der heyligen vñ allzeit sig haften
künigliche maiestat/ hab ich ewer
diemütiger knecht mit begird meiß
herzen begeret/ vnd oft von dem
geber aller ding gnad gebette/ das
aus meiner schwachen dienstberreyt etwas lobwirdi
ger kunst zu ewren senftmütigen küniglichen oren kö
men möcht/ Erhöret ist mein gepett. ¶ Darumb so
yetzo die zeit in der die wein zu ergney dienende be
reyt werde süllen entgegēt. Vnd aber der weysß wein
vnder andern/ menschlichem leibe mit hellig mer geschi
cket/ der eyntruckung aller tämpff einer yeden sa h
mer empfänglich vnd die tugende der eingeleybten

ding außvierlich ist. In dem das er es durch alle glieder mit wollust vñ begreiffung der natur leytet. So werdent seine tugende vnd lobe von den geübten philosophen vnd arzten mit wenig außgebrütet / wann der wein hat in im grose eygenschaft / nach ordnung der menschlichen natur. dan es sagt Zuffus freilich vñ im also sprechende ¶ Der wein stercket mit allem die natürlichen hitze / sunder er machet auch lawter vnd klar das trüb geplüt / vñ den zügang des gantzen leibs. ¶ Er krefftiget auch die glider / vnd sein güt / heyt wirt mit allem in dem leibe / sunder auch in der sele groffenbaret / wan er machet die sele frölich / vnd der traurigkeyt vergessen. Auch die sele zu subtilē / vñ dapferē dingen zu erfarn sterckende. Er gibt dem gemuet kackheyt miligkeyt vnd bereitet gute schickligkeyt in den werckzeügen der geyst / das die sele mitt innen würcket. ¶ So der wein genossen wirt nach dē als sich gezympt / so ist er allem alter yeder zeýt gepürlich. Er gezympt den alten deshalb / das er irer trückne entgegen kompt. Sy seind auch kalt von natur / vñ ist in güt das sy starcken wein trinckē. Dē iunge mēsche ist er ein speise doch mässiglich auß dē dē die natur des weins / dē iunge gleich ist. ¶ Ein gute ler ¶ Auerois d meister spricht dē iunge kindē wein gebē zu trincken vngemischet schedlichen sey / wan die kind die sein hitzig von natur / vnd er verderbt dē natur der kind / wann der wein ist auch hitzig von natur.

2
vnd fülle den kinden ire haubt mit böser hig/ vnd ge-
wynen da von pöse vnd plöde häubtlein/ vnd kran-
cke dörete sym/ vnd pöse gesicht. ¶ Aber den kinde
wenig oder gem. scht genossen ist er auch ein speyße/
wann er meret ir natürlich hitze. Er ist jnen deshalb
ein artzney/ wan er trucknet auß die bösen feuchtig-
keyt/ die sy von mäter leib gezogen haben.

¶ Kein artz lästert des weims geprauch in den ge-
sunden menschen/ es sey dan das man sein zeil nem-
als hernach baß begriffen wirdet. ¶ Die weyßen ha-
bent den weim zugeleychet dem grossen Triackes.
wan er ist ein sach widerwertiger würckung. Dan na-
türlich vnd durch sich selbs hitziget er den kalten leich-
nam. Vnd zum andern durch sein zufell küelet er die
hitzigē leibe/ dz geschicht mit seiner subtiligkeyt durch
zu bringē zu den weyt gelegē stetten mit jm wasser
bringende zu den gelidern die auffenthaltug vnd la-
bung bedürffent. Wan er ist fürwar menschlicher na-
tur vast lieplich/ vñ der bildug oder eintruckug aller
güter specerey vnd gestalten/ empfenglich/ vnd eyn
gerecht machung aller bösen speyssen/ das bezeugt
der artz Almanfor. dz weder speyß noch artzney yen-
dert von weim vngeschickt werdent. ¶ Darumb so
der weim in ordnung gehalten wirdig ist Sind etlich
nützlich vnd artzneylich beraitung durch in zu mach-
en als hye nach gesagt wirt/ zu lobe vnd ere der hey-

ligen küniglichen maiestat erfunden.

So ich mir nun von dem wein vnd seiner eigenschafft zu schreiben fürgenomen hab. So wil ich am ersten setzen/ Wie der wein gesamelt/gelesen. Vnd das er nit prüchig werd behalten sull werde. ¶ Zum andern wie man erkennen sol. Ob der wein auff dem wege der zerstörung sey. ¶ Zum dritten wie der wein so yetzo geprochen ist sull vnd müg widerumb zu krafft gebracht werden. ¶ Zum vierden wie vnd wen die wein verzogen vnd abgelassen werden süllen. ¶ Zum fünfften von verwandlung des weins in ander gestalte der farb vnd des geschmack's vnd wie die gesotten wein vnd ander tranck zu arbeyten habent. ¶ Zum sechsten wie der wein durch specerey gewürtz vnd kreuter zu ertzney vñ gesuntheit des leibs dienende/zubereyt vnd gemacht werden sol. ¶ Vnd zum sybenden von Essich wie der natürlich vnd subtilich zubereytē. Auch wie das bier bey mächten vnd lanck wirig zubehalten sey.

¶ Zum ersten ist zu merckē von dē weinlesen. Das die wein so vor der rechten zeytigkēyt abgelesen werden tranck vnd vnuermöglich / vnd von gebruchs wegen der krafft vnd der zeytigkeit / mügent sy nit bey macht beleyben noch wirig sein. ¶ Desgleych die wein die nach der rechten zeytigkeit abgelesen werden prechafftig vnd von frost/elte vnd hitze betaubet

Efüro ist acht zu habē das die vāß in die mā die wei
so zū re hier zeit außtrūckt sind thun wil mit gesaltzē
wasser vor wol ge waschen vnd gereinigt seim vnd
so sy ertrocknē mit weyrach vnd miram fleßlich be
reuchet werden sullen/ in sollichen vassen die also be
rext sind / werdent die weim vor aller zerstōil gheyt
bewart.

Etem so der most jeren wil sol man spen von wech
halter hotz dareyn thun vnd so er gar vergern hatt
wider herauß nemen. Oder zū der selben zeit mitten
in das vāß hendē hopffen plūmen in einem reynen
sack / oder buggen sāmen / oder semū greei. oder holtz
von dem bom mirtus genant / oder aloes holtz / wel
liches mā auß disen dinge in most hendet so er jeren
sol / so wirt er von aller predhligheyt verhütet.

Etem ob es in dem weim leset regenweter oder vil
leycht dem most vil wassers zū gemischet were / will
man dan das von dem weim scheiden / das von sol
licher vermischung des wassers der weim nit verderbe
So sol man den weim zū hand nach der erster verge
rung in ein ander vāß ziehen so bleibt das / das wā
rig ist vō seiner schwere grobheyt vnd irdischheyt we
gen an dem boden.

Etē zū probiren ob dē weim od most wasser zū ge
mischet sey od nit. So sol mā ein birn dareitū schwē
met die bir enbor. So ist der weim on wasser / fallt

ſy aber gen boden. So iſt er mit waſſer vermifchet.
Oder man ſol des ſelben weins nemen in einen neuen
haſſen vnd in wol vermachen vnd drey tag ſtehen laſ
ſen oder an den luſt hengen. Iſt dann der wein mit
waſſer vermifchet / ſo treufft das waſſer herauß von
des winds wegen oder wirt zu zeitten verwandelt in
Eſſig.

Es ſind vil vor zeichen durch die bewaret wer
den mag. Ob der wein auff dem wege der ge
prechlich heyt oder ob er der zerſtoerung nachent ſey.
Zum erſten durch das in dem weinleſet ſol man ne
men von der heſſen des weins / oder ob es auß erhalb
des weinleſens iſt / ſo man den wein in ein ander vaß
abziehen will / ſol man nemē der heſſen des ſelbē weis
vnd in einē neuen haſſen thun wol zu gedeckt dz die
dampf mit auſrieden müge vnd es alſo drey tag ver
deckt ſtehen laſſen / darnach auff decken vnd mit dem
geſchmack bewaren. hat es als dann einen guten ge
ſchmack ſo bleibt der wein beſtendig / ſchmecket es aber
nit wol ſo wirt er pruechig. ¶ Oder mā ſol des weins
den man probiren wil aus dem vaß ein wenig laſſen
vnd bey einem ſewer in einem newem haſſen ſieden.
Vnd darnach ſo er wider erkaltet was geſchmack es
dan hat nach de ſol man in ſchätzen. ¶ Etlich ſchme
cken zu dem ſpund des vaß vnd auß dem von ſeinem
geſchmack erkennen ſy die zeichen der prechlig heyt

des weins. ¶ Oder sol man aus dem was das man
probiern wil ein reyl weins herauß lassen/ vnd den in
einem reynen geschiir schlagen oder klappen pis das
er schawmen werd. Ist dan das der schawm vñ stünd
an bricht vnd vergeht. Das ist ein zeichen der gesunt
heyt des weins. Bleibt aber der schawm lang/ dz ist
ein zeichen des lasters. ¶ Item wan ein guter vnd ge
sunder wein in ein glas oder bächet eingeschendct ist
so wirt der schawm der von dem einschendctē entsprigt
mitten in dem geschiir gesamelt. Aber der schawm des
lasterbern weins leget sich an die ort. Ob auch d wei
so man in ein geschendct springt vnd auff hupfende
tröpflein auß vñ über dz geschiir von in wirfft das ist
ein zeichen eins vnzerprohen vnd rōshen weins. Ob
er aber lind vñ als gesalbet ist. vnd seine tröpflein lāg
sam als ein syropel einfallent. Vnd wan man in trin
cket das in dē mund schleymkēxt gepüret/ der selbig
wein ist geprochen oder nahent da bey.

¶ Item wer fürkomen will das der wein nymmer
prech als lang er weret. Sol man die weyl es most
ist/ welchalter wurtzen dareyn lassen. Oder in einem
reynen leynnem säcklin weintrauben plu oder rogge
plu/ oder hopfen blumen dareyn hendken so bleibt er
alweg also/ wan dise ding behütet mit allem dē wein
vor prechen sunder sy widerbringet auch den d yetzo
geprochen ist. Dan so durch den hopfen das wasser

in dem bix vor geprechen bewaret wirt. Warumb
wolt dan mit vil mer der wein der vast kreffiger ist be
halten werden.

Es ist auch zu mercken das ettlich / so sy die wein
verkauffen wöllent die versuchung oder den mund der
menschen / in bewarung oder kostung der wein betrie
get. Also das sy die bitteren oder sauren weinsäsz sein
beduncken vnd gebent den weinkosteren vor zu ver
suchen / süßes holtz oder nüz / oder allten wol gesaltz
nen käsz / oder speyßen die mit gewürtz wol gekochet
sind. Sy fleysent sich auch in dem das sy ire wein zu
versuchen vnd zu bewäre gebent / so der nottwind od
der wind Aquilo genät / oder wind von mitter nacht
kömende wäend / wann zu der selben zeit das ist in de
winter sind die wein am süßesten vnd mächtigisten.
Darwider süllent die wein koster geflissen sein in de
das sy den wein des morgens so sy den müd gewäsch
en / vnd drey oder vier brocken brots in wasser getun
cket geessen habent / wann wellicher gar nüchter odert
gantz wol ist vnd den wein probiren wil / dem wir
sein mund vnd versuchung betrogen. Es ist auch güt
das der wein versuchet werd / so der wind Auster ge
nant von mittag kömende wäed / wann zu der selben
zeit das ist am herbst werdet die wein leychtlich ver
wandelt vnd zeigent ob sy einichey geprechen in
in habent.

5
Aber die zeit als Socrates spricht. In denen die
wein gemeinlich gewon sind / sich zu uerwandeln. Vñ
auch die vrsachen sind mercklich. Das ist zu yetwe-
derm Solstiaum. so die Sün gegen vnserm teyl des
firmamentzs am höchsten vnd am nidersten stett / das
geschiedt vmb sant Johans des tauffers vñ vmb sant
Lucien tag. Auch wenn die weinreben plüend. Die
wein werdet auch natürlich von hitz von kelt vñ vor-
aß von weyßen winden vnd vil regens / auch tün-
dern vnd plitzen gesprochen vnd verwandelt. Aber
vmb das / das der wein dan von tunder vnd plitzen
mit verwandelt werd. Sol man nemen einen höfel vñ
Zugginem teyg in ein leyenen tuch gewickelt Vnd sol
in das spundloch getan vnd da mit wol vermachet
werden. Es sol auch niemāt gedencke das es vninüg-
lich sey das der wein von tunder vnd plitzē prechafft
werd. Wan vil weyßer lewt sagent das die bier heff
von tunder vnd plitzen auch von den schmeckenden
doen plumen also prechafft werde / das sy dar nach
zu dem brothöfel mit mer nütz sey. Es sind auch vil d
gleych ding / Dar zu das gemüt der menschen die ver-
nunfft mit weyßst zu richten / wie wol sy war sind.
Wann es spricht der Philosophus. Dye mensch-
lich verstantnuß haltet sich also zu dem offenbaren
dingen der natur / als das auge der fledermauß zu dē
licht der sunnen Vnd wie wol vns mancherley ding

verschaden offenbar sind / yedoch als Plato in Thimeo
spricht. Ist kein ding des versprug mit ein schwere sach
vortgeganget sey. doch so mugent soilich schaden / die
weinen von winden vnd gaher verwandlung gesche-
hen bewaret / wann in dem winter sullent die keler ge-
wermet werden von der kelte wegen / sullent auch we-
nig vnd kleine fenster haben / die man wol auff vnd
zuthun muge. ¶ Auch sullent die thuren an den keleren
gege mitternacht Septemprio zu latein genat steen
Wann die selben wind sind frischer vnd roschter dann
die anderen.

Nun ist zu sagen von dem geproche wein. Vn
von den vnderseynden der geprechligheyt.
Auch wie man in kund vnd mug widerbringen.

¶ Item wein der sein farb verlorē hat. Den sol
man also widerbringen. Zu einem fuder trübs weins
sol man nemen ein kopf vol kü milch vnd fouil kerner
von weitzen darauff mā brot machet / vnd sol die kö-
ner vor allem stossen / biß die außerē schelffen daruō
köment darnach in reynem wasser waschen / vnd sy al-
so gantz vnder die milch thun vnd darnach das vaf-
weins / das man widerbringen will / so verre auß le-
ren / das man dye materij dareyn gessen mug / vnd
so die milch mit dem weytzen hineyn gegossen ist.
zu hand sol man mit einem gespalten oder durchlöch-
erte holz in das vaf gestossen de wein hart vn ver-

6
bewegen vnd kluppen. Also das es alles durcheinand
gem. schet werde. Darnach das was zefüllen vnd ver
schöpfen vnd nach fünffzehen tagge find man de wein
schön vnd krefftig von geschmack/ wein die milch brin
get die farb/ vnd der weytzen den geschmack.

Ein anders zu einem fuder trübs vnd missfarben
weins. Sol man nemen das weys von. xxiiij. eyen
vnd das was durcheinander schlagen das es lauter
sey/ vnd sol dan nemen von dem besten semelmel/ vn
von gelewttertem sand oder gries/ yedes einen kopff
vol vnd des selben weins auch so vil / vnd das alles
durcheinander mischen vnd dan in drey teyl teylen/
vnd alweg ein teyl in das wasz giessen vnd darnach
mit emander kluppen oder gelöcherten holz hart rü
ren bis es gar hineyn kumpt. Darnach sol man den
wein ruen lassen so wirt er lauter.

Zu einem fuder trübs vnd schwaches weins/ sol
man nemen. j. pfund mandelkern die wol gestossen.
vnd souil von weyssem weytze mel darzu thun/ dar
nach desselben weins ein kopff vol nemen/ vnd das al
les durcheinander mischen vnd in das wasz giessen.
Darnach mitt der kluppen als vor gesagt ist hart be
wegen/ vnd dan ruen lassen so wirt er wolgeschmack
vnd schön.

Item das der wein lauter werd/ sol man zu einem

füdet weins nemen ein kopff vol rebäſchen oder mer
die wol gereden ſey vnd deſſelbē weins darüber thun
vnd ein vermiſchung darauff machen als ein dünnes
müſſlin vnd in drey teyl teyle/ vnd als yetzo geſagt
iſt nach emander in das vaß gieſſen. Vnd darnach
als vor mit dem holtz hart bewegen/ vnd ſo er etwe
lang rüet/ wirt er friſch vnd ſchön.

Eoder man ſol nemen aſchen von äy hinen rinden
wol geſibbelt ein kopff vol vnd in das vaß thun wie
oben geſagt iſt. Ettlich zündet an Ephaw vñ erleſch-
et es in dem wein oder moſt. Ettlich thünd vnange-
zündet Ephaw in den wein ſo wirt er beſtendig.

Etem rinden von Eſpen in ein vaß geworffen wi-
derbringt geprochen wein.

Etem das der wein nymet prech/ noch an 8 farb
verwandelt werd als lang er weret/ ſol man ein ley-
ne tüch über den ſpund des vaßs preytē/ vnd rebäſch-
en wol geſiben zweyer od dreyer finger dick darauff
thun/ das der wein nit aus riechē müg. Vnd auff die
äſchen ſol man einē grünen waſen/ der aus der erden
geſchnitten ſey legen vnd mit einer ſpindel drey oder
vier löcher dar durch gegen dem ſpund biß auff das
tüch poren das es ein leibung haben müg. Der wein
verwandelt ſich nymet wie lang er ligt. **E**oder man
ſol de ſpund des vaßs verſchlahen das es wol beſchloſ-
ſen ſey/ vnd ſo oben ein ne wes loch mit einem nepor

dareyn poren/ vnd einen zapfen dar für machen/ vnd
allweg wein man wein aus dem vass lassen will/ soll
man den zapfen auff thun/ vnd so der wein gelassen
ist wider als vor vermachen. so bleibt der wein vnuer
wandelt bey seiner farb.

Hie ist zemerckē vō anderñ geprestē des weins
Ob ein wein einen übeln geschmack hat/ so sol
mā nemen ein hand vol saluayē/ vñ souil hopfen auch
ein grosse galgant wurtzē emmittē enzwey gespalten
vnd in einen leyne sack thun vnd drey oder vier tag
in das vass hendken so höret auff d̄ geschmack. ¶ Ob
man aber erkent vnd weyst das d̄ schmack kompt vō
dem pech oder von dē vass/ so muß mā den wein in ein
and̄ reim vass abziehen/ vnd darnach die vorgehatē
materi dareyn hendken. ¶ Item zū dem selben sol mā
nemen ein frisch gürsten brot so es erst aus dem offen
genommen wirt. Vnd sol es in zwey stück prechen. Vñ
den einen teyl auff den spund des vass also heysz le-
gen. Vnd den anderñ teyl wider in dē offen thun bisz
das diser teyl ob dem spund erkaltet. Vnd dan̄ das
warm wider darüber letze. Vnd also etwelang ymer
dar/ ettwie lang ymmerdar wechseln/ Wann dar
durchmag man allen gestand̄ auß dem wein ziehen
Etlich thund in den übelgeschmacken wein spen oder
bō von wächallter holtz/ vñnd Ysoppen/ vnd bast
von mirtel holtz da hartz an ist/ so v̄geet aller böser

geschmack. Vnd doch yedem übel schmeckende wein. Ist
vor aller ertzney not verziehung in ein ander vass.

Etem ob ein wein wäre als kesswasser/ vnd man
im gern ein weinfarb machen wölt / sol man nemen
honig sam wol in einer pfanne geröstet / vnd ein halb
pfund pfirsich körner / vñ die zu puluer erstoffen vnd
dan darnach seihen mit wein durch ein leynen tuch
vnd des weins ein kopff vol dar zu thun vñ es durch
einander mischen vnd in das vass giessen / so gewynt
er ein gute weinfarb. **O**b auch der wein so lauter
ist als ein wasser vnd nit weinfarb hat. Sol man ne
men saffran als groß als ein äy vnd in das vass hen
cken bis an den dritten tag / so hat man schönen wein.

Zu merckē dz ein wein 8 nach pech schmecket also
widerpracht wirt. Man sol in auß dem vass in groß
kübel oder andre geschir thun da 8 pechschmack da vñ
aus riechen mag. Vnd dar nach gnüg von re nem
epich kraut dar ein thun doch dz 8 epich mit einē rei
nen leynen tuch umb wunden sey / das der wein von
im nit verwandelt werd / vnd es also zwen tag lassen
steen. Darnach den wein wid in ein vngepichtes vas
giessen. Vnd ob dannocht der smack des pechs be
lib / also das er von dē Epich gantz nit vergeen wöl
le / so sol man in mit dörren bedecken vnd saluayen
vnd hopffen dareyn hende. Des gleich mag mā

wein der einen irdischen geschmack hat der nit gut ist
wider bringen.

COb man saigern wein frisch machen wöll. Sol mā
nemen einen kopff vol wolgestossens wein stein zu ey
nem süder vnd so vil reb äschen. Vnd auß dem vass
zwen kopff vol weins lassen vnd dz wol durch eiman
der mischen. Vnd es dreymal in das vass giessen/ vñ
in allweg fast mit einer kluppen bewegen/ so lang biß
er schawmen wirt. So sol man den schawmen auff sa
meln vnd wider in das vass thun. Man sol aber das
vass zu keinem mal gar vol füllen. Es wirt sunst des
weins von dem bewegen vil aus lauffen. **O**der
man sol nemen ein hand vol nesseln mit den wurtze
wol gereiniget/ vnd in das vass hendten. vnd ob die
nesseln zu der selben zeýt samen hette er wer zeýtig od
nit/so sol man den samen dauon thun/ oder es aber al
so mit dem samen in ein reyns leyenen tuch winden vñ
in den wein hendten/so wirt er frisch.

Item ein kopff vol senff wolgestossen dreý tag in
wein gehangen macht in frisch.

Item mā sol nemē einen kopff vol des selbē weins
den man frisch machen wil/ vnd ein vierteyl so vil sal
tzes. Vnd das in einen newen haffen bey einen feuer
fieden lassen. Vnd so es wol gesotten vnd verschaw
met ist / also heýß in das vass giessen / Vnd als
offt gesagt ist vass bewegen/ biß das er gleych jeren

werde. Darnach sol man plech von stahel oder pley
in das vash henden. So wirt der wein frisch.

Etem so ein wein essichet oder anzicket. Sol mā
einen kopff vol lauchsamē darein henden/ so kumpt
er wider/ vnd wirt süß als vor. Oder man sol nemen
zū einem fuder weins ein kopff von waitzen wol ge-
rainiget vō den oberñ balgē/ vñ .j. pfund newes frisch
wachs/ vnd das sol man in das vash henden/ so wirt
der wein vor an zicken bewaret.

So nun hie vor von dē verziehe der wein/ od
vō einem vash in ein anders zū ziehen berüret
ist. So hab ich fürgenōmen et was nützlichs vnd not-
turfftigs da von zesagen. Darumb wer die wein im
andere vash thun wöl. Der sol die schwachen vñ fran-
cken wein in dem winter abziehen. Aber die starcken
in dem Lencz vnd in dē summer. **O**b auch die schwa-
chen wein auff besser haffen gegossen werdet sy da vō
mer gekrefftiget.

Es ist zemercken. Welche wein zū vollem mon
oder so der mon wachset / so der wind Auster genant
wäet das ist am herbst auß gezogen werdēt die pre-
chent leichtgēlich. Darumb von güttheit vnd gesunt-
heyt wegen / sol man die wein/ so der wind Boreas
genant/ das ist im winter. vnd so der mon abnympt
auß ziehen/ vñ d z die außziehūg des weins zū schöner

zeit geschehe / das mit der wein aus verwandlung od
trübung des wetters oder winds auch verendert wer-
de/ nach de die oberñ bewegunge die vnderñ regnie-
rent. Die außziehung des weins sol auch vnder der
erden geschehen / das mitt das wetter oder wind den
wein prückig mach. Dýse ding sind nütz vnd not-
turfftig zu dem wein von eynem vass in eyn anders
zu ziehen.

Zu zeyten mag auch der wein durch etlich zusatz
in ander gestalten des geschmack's vnd der farbē ver-
wandelt werden. Darumb ob ein wein schwach were
vnd man in mer krefftig machē wölt. Sol man nemē
zu einem füder weins künich zucker abseihlung von
hirshhorn yedes. j. vierdung / vnd sol yedes besunder
in einem leyenen sacklein in den wein henccken. so wirt
er vil mer krefftig / oder man sol nemen zu einem füder
weins. j. pfund rautten samen vnd es woll zu puluer
stossen. vnd. j. vierdung zückers vnd yedes besunder
in dem wein henccken / so wirt er so starck das er die.
so in trinckent trunckē macht. Wan auß eygenschaft
besicht die räuten das haupt.

WEr einen wein der von natur weýss ist rott
machenn wölle der nem kórner oder bözelein
von erbsich holz. zu latein. Berberis genant / wenn
sy zeitlig sind vnd trückne sy wol / vnd wan mā wil.

So henc̃ man es in einē reynē leynen tuch in das ge-
schir. dar in der wein ist / so sicht man über ein kleyne
weyl / das der weyn rott ist. Oder man nem die rot-
ten schnel plumen die in dem korn wachsent / die selbe
pletter sol man dören vnd zu puluer machen / Vnd dz
in einem leynen sacklein in den wein thun.

CWie der mensch den wein gepreuchē sol merck
Aucenna spricht von dem wein das ein yeglicher
weyßer mensch sich fleissiglich hüten sol dz er nüchter
oder nach grosser arbeit mit wein trinc̃ / er sol vor et-
was seud̃tes essen / wan so man wein trinc̃t nüchter
vñ nach arbeit das bringet grossen schade / auß dē sol
man nemen wer eyn plödes brand̃s hyrn hat das der
lugel vnd wenig weins trinc̃en sol / vnd sol in unge-
misch̃t mit trinc̃en.

CSo wein verpoten ist.

Almanfor spricht in dem buch von der ordnung
des trinc̃ens das nyemant nach dem pad oder nach
hygiger speyß / oder so mā genug gessen hat zu stund
wein sol trinc̃en / er sol peyten nach dem pad biß er
wol erkulet vnd nach der speyß eyn gute weyl so lag
piß sich die speyß in dem magen nider gesetzt hatt als
vor geschriben ist.

Von Vnmeßigkeit des weins.

Des spricht auch der selb Almanfor das vil weins zu trincken sey mit gesunt. Das bewert Auicēna vnd spricht / das vil weins getruncken in etlicher mensche magē verwandelt wirt in die roten colera / in etliche zu essig vnd die sein beyde schedlich / vnd wer des an im enpfint spricht Almanfor. der sol sich dar zu bewe / gen das er zu stund wider von im preche / wer es aber das er sich mit prechen möcht so sol er zu stund vil wassers darauff trincken vnd paden vnd schlaffen so ver zert es sich en schaden.

Von schaden der trunckenheyt.

Auicenna spricht / das emßige trunckenheyt gar ein schedlichs ding sey vnd vil üfels dem mensche da von köm. sy zerstört die natur des leichnans / vnd ver derbt das geäder / also das der mensch lam wirt / vnd zitternde gelider gewynt / vnd kömpt da von Apoplexia. das ist der gäch tode / vnnnd verlast vnd ver / dempfft die natülichen werme / vnd macht dem menschen der ir pflicht eederzeit graw. Alt vnd vngestalt Vnd darumb sol sich ein yeglich mensch dar vor hü ten.

Merck ein gute ler.

Ein gute ler sol man mercken zu allem getrandt als Auicenna spricht. das man dem schlunt nicht sol zu weit auff thun / mā sol klein als fade hineyn ziehe

als vor auch geschriben steet. Es ist auch zu wissen dz
alter vierdiger wein der natur des menschen gar ge-
sunt vnd bekümenlichen ist vnd ein gute edle ergneyß.

C Von dem Most.

CNeuer wein als most ee das er recht lauter wirt
ist vil schedlich vnd krenckt die lebern / vnd d mensch
wirt da durch geschickt zu der lebersucht / vnd macht
flüssig in dem leib vnd zerplat den pauch vnd das
gederme das auch gar vil schedlich vnd vngesunt ist
Darumb sol sich ein yeglicher weyßer menich dauor
beware.

C Von der tugent des weins.

CGalienus schreibt das wein so man in messiglich
neüßt vil hilff thut de leichnam / also thut er auch vil
schadens so man in vnordenlich neüßt.

C Von ordentlichem trincken.

CEin meister genant Jono spricht / das wein mes-
sigelichen vnd ordentlichen getruncken benüt de ge-
müt alle pitterkeýt vnd verwandelt es zu süssigkeýt.
Galienus spricht / dz wein messiglich genosse macht
frölich einen traurigen vnd vordttsamen vnd gepirt
freuden.

C Ruffus.

CEin meister genat Ruffus spricht dz d wei messig
lich genützet macht lebendig vn erkückt die natürliche

werme in der mensche/ vñ verzert die speys/ vnd trey-
bet die überflüssigkeit vnder sich zu dem stül gang. vñ
reimiget die natur von allen bösen dūnsten vnd vn-
reine feuchtigkeyten/ vnd reimiget die schwarzen co-
lera/ Adelt das blut vnd sterckt das hirn/ erkläret die
augen/ vnd meret vnd scherpfet die synn vnd die ver-
nunfft des menschen/ vnd macht gut schön vnd lauter
farben. Die vorgeschriben krafft vnd tugent hat der
wein so man in ordenlich vnd zimlich vnd mit zu vil
auff einmal neüßt/ so man in aber vñordenliche prau-
chet so thut er vill Schadens als vill er nütz thut oder
etwen vil mer/ wann wein ist die höchst vnd edelst arz-
ney so man in neüßt als man sol nach ordnung vnd
messigliche wie vor geschribē steet. Es ist auch nütz
lich zu wissen welchem allter er zu gehöret oder mit/ als
Kinden oder allten lewten.

Als dann in anfang diß Tractatz. Zu vnder-
weisen berüret ist. Wie d wein durch gewurtz
vñ kreuter zu gesuntheit des leibs dienende zubereyt
werden soll.

Est vñ erste zu mercke ob man von specerey oder
gewurtz zekrefftigug des leibs oder d natürlichē farb
gemacht wein habē wölt. Sol man nemen welicher-
ley gewurtz mā wil. wol gestossen. doch das alweg
ettwe vil von galgand/ vñ so vil zuckers als des an-
dern gewurtzes alles da bey sey/ vñ das zusamē in ein

reins leyenes sacklein thun / vnd den wein dareyn gie-
sen vnd also drey oder vier mal durch die materi in de
sacklein seihen. So lang bis d wein die gantzẽ krafft
der specerey in sich schicket vnd enfahet. Darnach
sol man den selben wein in ein reins vasslein behalten
vnd wol vermachẽ / so hat man ein starckes track dem
gesunde leib vnd natuerliche farb vast wol zymende.
Vnd an wellichen enden hie nach vo de wein mit ge-
wurtz od kreutern gemacht / gesagt / vnd doch wie man
bereiten sol an allen enden villeycht mit eygentlich vn-
derscheyden wirt. Da ist zuuerstan / das man dasselb
getranck wie an andern enden vor vnd nach. Vo den
weinen zu temperieren gesagt wirt machen sol.

Und so im anfang gemeldet ist / wie man den
wein durch kreuter vn gewurtz zu ertzney be-
reyte fülle. Ist zu merckẽ / das das vass darein man de
wein thun wil / von gutem reynẽ holtz gemacht / vn
vo aller vnfauberkeyt gereiniget. Vn d most vo well-
zeytigẽ traubẽ die vo aller zerstorligkeyt gereiniget
sind außgetruckt sein sol. Das vo vnzeitigkeyt wegge
der wein nit zu essich werde. Vnd d wege od meinung
d bereitung oder verleibung der ding / die in den wein
vermischet wendent ist dreyfelig.

Der erst vnd d besser wege ist / das die selben ge-
wurtz od kreuter / in etwievil mostes sol lag bis d acht
teyl des mostes zeret ist gesotten vn d chancẽ sollen

werde/ vñ dan sol er über nacht ruen vñ des morgens
durch ein leyne tuch gesigen. Darnach mit zimlicher
mēge zu de versuchē eins andern mostes vñ mischet/ vñ
in ein vass getan vñ 8 spund des vass mit einer schüs-
seln bedecket vñ die schüssel sol an 8 einē seytē einawe-
ing auffgehept sein/ vñ also behaltē werde bis 8 wein
vergirt. Darnach sol man den spund wol vermachen
vnd des weins geprauchē so vil nott ist.

Der ander wege ist/ das mā die kreüter frisch/ oð
so mā sy grün oð frisch mit gehabē mag/ durc nemē vñ
erstossen in einē leyne sacklin in ein geschir mit weyß-
sein most thun/ vñ so lāg bis er vñ schaumet/ siedē lassē
vnd dan in andern wein mischen. Vnd so er lawter
wirt da von so vil nott ist nemen sol.

Der dritt wege ist/ das söllich materi in altē wei-
gesottē mag werde/ vnd dise bereitūg geschicht bald
vnd zu einer yede zeit bey einē senfftē feuer. Vñ söl-
licher wei mag für sich selbs oð mit vñ mischūg eins an-
dern weins oð wassers als nott ist gēnützet werden.

Vnd so nun 8 wein als vor gesagt ist ein yede ein-
truckūg 8 farb versuchūg oð geschmack's leichtgēlich
empfecht. So ist zu arbeÿten/ ob ettliche materi/ so der
wein vñ würtzē oder kreüter bereit wirt. Darin die
ander mit seiner kraft zu vil übertrēffe. So sol mā im

das selb durch ein dīng das im widerwertig ist bene-
men vnd mitteln/ als ob ein bittrekeyt dar innen we-
re. So sol sy durch süßikeyt des zuckers od gefeymbt
honig hingenomē. Vnd ob es zu hart gehitziget we-
re/ sol es mit einer kalten materi gelabet werden/ vnd
desgleich hinwider / vnd also werdent widerwertige
dīng/ durch widerwertigkeyt gerechtfertiget. ¶ Es
ist auch zu betrachten das zu zeyten etlich bereytung
der wein bey dem feuer geschehen müßend/ als wir
gesagt haben. Entweders darumb das es anders mit
geschehen mag. Oder aber darumb das sy vor berey-
tet mit funden werdent/ vnd die notturfft mit leyden
wil der rechten zeyt zu erwarten. Da von kumpt dz
die Sün hermetis/ das feuer/ die Sunnē vnd etlich
es einen verweiser der hitz genennet. Vnd ir ein teyl
in etlichen iren büchern der heymeligkeyt gesprochē ha-
bent das so der sunnen hitz in den glidern des ertrichs
in hundert jaren würcke. Das sey möglich durch das
feuer in einem tag geschehen mügen. Wan dz feuer
macht die dīng offenbar vnd endeckt werden welichē
es zu gefüget ist. Vnd darumb wan mā zu disen d n-
gen feuers bedarff/ das sol mit sicherheyt geschehen.
Dān in bereitūg solicher materi ist die sorgfeligkeyt
vnd fleyß mit ein kleiner teyl. Aber etlich mercken nit
was in vil maisterschafften durch das feuer geschicht
vnd darumb werdent sy in vil irer meynung puch-

hafft vnd betrogen. Darumb wil ich hienach von be-
reytung der wein zu ertzney dienende sagen.

Ein wunderber wein nütz vnd gut
den Melancolias vnd andern süchtē.

EIn wunderber wein nütz vnd gut den melan-
colicis/ das ist den mensche vō kalter vñ truck-
ner natur vnd complexion sind vnd auch den hertz-
süchtigen/ vnd die mit der vprenten colera arbeýt ha-
bent vor auß in den wegen der lebern vnd des harms
Vnd ist gesund denen so von natur Colericā / das ist
heýsser vnd truckner complexion sind/ wann er ent-
nympt traurigkēýt/ bringet fröð/ machet den mensche
einer gesamelten vernunft. Er schicket den gantzen
melancolischē leib in besserūg vnd machet gerecht die
pürdin der feuchtigkēýt. Er bringet gut geplüt/ vnd
schaffet überkonen ein lobliche geschickligkeit nach ge-
legenheýt der vernunftigē sele/ wirt also gemacht.

Man sol nemen ochsen zungen wurtzē die von de
inneren marck gereiniget sein. der hülsen oder belg vō
Benz. rot rosen. borrago plūmen. ochsenzungen plū-
men jedes. j. pfund vñ das alles durch einander schüt-
ten in einen sack/ vnd den sack in ein waß thun/ da so
vil eyngtee als drey esel purdin Darnach sol man ha-
ben f. sche außgetruckten weýssen most vñ den halbē

teyl des mostes zu den vorgenantē sachen thun. Aber
der ander halbt Eyl so von stund an gesotten vñ ver-
saimet / vñ darnach in das yetzgenant vass gethan
vñ das vass mit sollichem wein gefüllet werde / vñ
so er sygieret vñ gelautert wirt / so mag mā in durch
das gantz jare vñ am meiste im lantz am herbst vñ
im winter geprauchē / vñ für obgenāt gepredhē zu
nützen wissen.

C Borago wein.

C Boragen wein ist güt für die hertzsucht für die to-
bung zu der melancoley wider den zytter des hertze
er reiniget das plüt / er benympt böß fantasey vñ ist
nütz in aller gestalt der erstörung der reuden vñ auf-
setzigkheit. Er bringet fröde vñ neiget dē leib zu linder-
ung. Sollicher wein ist also zu machen.

Man sol nemen boragen oder burretsch. iij. pfund
daz sol in. vij. oder. xiiij. pfund mostes gethan vñ also
an einander gesotten werde biß das es lauter vñ klar
wirt. Sollicher wein stercket das gesicht vñ die umb-
schweyffende krafft / wann auch sein gelauterter saft ge-
trucken wirt / so reiniget es das plüt / vñ es bedarff
keiner süßmachung / wann sein saft ist süß.

C Ochsen zungen wein.

Ochsen zunge wein wirt als Macrobius spricht
also gemacht. Sein wurtz sol sauber gereiniget / vñ
so lang in wein gebaisset werde / biß das der wein dē

geschmack vnd krafft der wurtzen empfahet. Desser
 wein sol stetigs getruockt werden wan er die melan-
 colischen. colerische. vnd verprente feuchtigkeit durch
 den harm auß fueret. Das vergiffet hien durch die
 dampff der melancoley gerecht machet. Vn ich sprich
 dar zu. Das er die betaubten vnd toen vnd die man
 anlegge muess zu gesuntheit. Vnd zu iren vorige syn-
 nen vnd vernunft wider bringet. Vnd des sey ein ge-
 zewog mein gewissne / das ich ein frawen auß der stat
 Baris gebore gesehe hab / die gar oft auß etlichem
 zorn vnd melancoley irer syn berabt ward schwetzet
 vnd schentliche wort auß schreyende / also das ma sy
 in irem hauss so lang bis die tobheit auff hoeret gepu-
 den halten muess. Also ward ir die vor genat ertzney
 auß lere eins bilgerin der fuer ir hauss kam / das almu-
 sen beggerende gegeben vnd da mit geholffen.

Gedörter weinberwein.

W Ein von gedörten mörtübeln oder weinbern
 Sol also bereit werde. Man sol neme saystet
 Mörtübel. iij. pfund außgeschelffter wol zusamen ge-
 stoffner zimtrind. iij. lot. Das sol man in etwievil
 mostes siede vnd darnach solichs in ein vass mit most
 giessē vn in. xij. tage wirt er lauter Dan so ist er gut
 vn wolgeschmack / vn er muess oft gemischet werde so
 er in de vass ist / vnd wann er lauter wirt sol man in
 maissen in dem winter prauchen. Es ist ein wein

der zu gehört den alten kranckē lewten/ auch den me-
lancoliās vnd flegmatiās/ vnd sūnderlich machet er
die weyßer sayß. Er ringert die prust/ stercket dē ma-
gen/ er treget zu die substantz d lebern vñ krefftiget sy.
er wermet dz plūt vñ wißseet der faulūg/ er vertreibt
die vnwillūg vnd schleymūg des magen. Er ist auch
nütz zu dem hūsten vnd keychē/ vnd natūrlīh mache
er den herten leyb flūssig / vnd den flūssigē leyb von
natur stellet er/ als die rūr vnd dergleich. Vnd auß
eigē schaft stercket er die bleiblichē auch die austreibē
den tōwung. Er ist nütz zu dem kurtzen autem vnd
der hertzsucht. Vnd das an im das sūrnemlihest ist.
so özeret er die übrige flūssigkēyt / vñ die vñl schweis-
sen den feuchtkēyt/ od wāssrikēyt vnd sēim geprauch
lasset kēim geschwer in dem leib wachsen. Vnd wer in
stetigs braucht/ der mag an sēim leib ist es gotz will
kēim kranckheyt böser feuchtkēyt empfinden.

¶ Wem der zu stul treibt.

Wem der von natur zu stul treibet wirt sicher-
lich also gemacht. ¶ Es sülle die steende weim
reben nach der leng auffgeschnitten werde das marck
etwar mit herauß genomen vnd von zitterwurtz in
latein elleborus niger genant/ oder brachkraut genāt.
Esula zu latein/ od etlich ander stercke treybende ertz-
ney dareyn gethan vnd dann die reben wider zusam-
men gezwungen vnd gebunden werden / als so man

fy des ersten beltzet / so geet die eyngethan materi in
die feuchtigkeit piß zu wachung der trauben/ vnnnd
wirt da mit gemenget darauff werdent dan treibent
trauben/ vnd aus den trauben treibent wein.

Wein von ros marin.

Uon dem wein vō Ros marin gemachet spricht
Gallien also. Da ich zu Babilonia was hab
ich durch vil emssigkeit vnd mit grossem gepett von
einē alten heydñ s he argat die krafft des mōrtawes
das ist Rosmarin vernomē/ die er im selbs vast heim
lich als niemand mit zuteylen hyelt. vnd sprach sein
krafft ist von den übertreffenlichsten wirkunge. Als
mit wein dauon gemacht mit baden darauff. Auch
so von seinen plūmen öll gemachet wirt / das ist in d
wirkung als der balsam darnach so von den plūmen
seins krautes vnnnd von geprentem wein lattweri ge-
macht wirt.

Von Rosmarin wirt der wein in maß wie oben
von andern weinē berüret ist bereytet. Der selb wein
hat wuunderber eygenschaft/ wann er ist nützer in alle
kalte siechtage/ er macht gerecht die begird von seiner
wolriechung wirt die sele erfröt/ er sterckt alle glider.
macht gerecht das geäder / machet schön das antlitz
ob es da mit gewaschent wirt / den mund machet er
durch seinen prach woltschmeckent. ob das haupt da

mit gewaschen wirt so fallt das har mit aus /sunder
wirt es gemeret. Dem geprauch bewaret den mansche
vor allen bösen platern/er verzeret böse seüchigkēyt
vnd melancoley. Er sterckt auß eygenschafft die sub-
stantz des hertzen/vnd aus dem behalt er die leüt in
juget. Vnd villeicht wer in stets nützet des leib wurd
mit faulen/die zen da mit gewaschen werdet gesterckt
die zansfleisch/vnd der mund wolgeschmack. Ob der
krebs oft damit gewaschen wirt es heylet in / fistalu
vnd söllich eyß werdet dauon außgetrücknet vñ recht
gemacht. Vnd ob etwar aus langem siechtagen ge-
krenckt oder betaubt. Ein gebätes brot darauff emissi-
klich essen were/das macht geredt die begird vñ ster-
ckt seine gekrenckte gelider. Vnd söllicher wein mit
regenwasser getemperieret vnd sonderlich seine plü-
men gekochet vnd stets getrunckē/macht es geredt
die lungesüchtigen vnd plütrechnenden. Das ist ein
zusamen samlung des exöters vmb die brust. Dýser
wein ist auch güt wider den täglichē vnd viertäglichen
ritten. Vnd wider die sucht des hinderñ teyls des
hirn/dauon vergessenheit kumpt/ er ist auch gesand
den hertzsuchtē vnd der vnwillig/ vnd für die rot-
ten rür. Vnd auch das ist seiner höchsten würckung
eine/das er ist ein verwerfer des triackes wider gifft
vnd vergiffte speiß vnd er ist ein grosse sicherheit in
trank vnd in speise. Er sterckt die schwachen krefte

vnd ist güt denen die / die lidsucht vnd den zittern habent / güt ist er zu dem podogra. Er ist auch beque mlich allen weybern vnd sonderlich die feuchter complexion sind. Er macht auch geschickt die müter in den leib. vnd hilfft zu der gepurt.

E Wein wider die verschoppung des miltz der lebern vnd wider die gelsucht.

E In Wein wider die verschoppung des miltzes / der lebern vñ wider die gelsucht wirt also gemacht Man sol nemen wurtzen vnd pletter von sunnen wirbel in latein acorea genant Ros zungen die hat pletter dreier span lang zu latein scolopendria genant. Von genß distel dz ist ein kraut endiuia zu latein geheisse wann man es abpricht so giet milch darauff / vnd ein wenig wermüt. Das alles sol man ein wenig fieden. oder wol warm werde lassen / vnd sol es in ein sacklin thun. Vnd den wein offft durch die kreüter gießen. als so mā klaret machet. Ob es auch not were so mag mā von der bitre wegen weinberlin oder sunst ettwas süßes dareyn thun / vnd wunderber in disem fal / die hilff vnd krafft der wein wirt auch gemeret vnd gemindert / nach dem vnd das vass von holtz güt oder böß ist.

E Wein darin gold geleschet ist.

WEin darjñ gold geleschet ist hat grosse eygē-
schafft in mancherley sache vnd wirt also ge-
macht / das ein gulden zeim oder plech in gūten wein
vier oder fünff mal sol abgeleschet werden / vnd sol in
darnach lauter werde lassen vnd behalten / der wein
stercket dz heitz / er trucknet auß die überflüssigkēyt
aller bösen materi von dem plüt vnd der substantz
des herzen / vnd mit seiner klarheyt thut er die geist
erleuchte / vñ mit seiner vestigkēyt stercken mit seiner
messigūg messigen / das plüt von dē zerstörliche ver-
mischunge vñ hute vnd reinige mit seiner kraft die über-
flüssigkēyt zu den teyle d außtribung näige die jugent
vñ die kraft dertzadern in irer würckūg behaltē. Er
entlediget den vstandē harin. Er hilffet den vallend
süchtigē vnd betabten. Er ist gūt den aussetzigen.

C Wein zu der gedechtnuß.

WEin der die gedechtnuß widerbringet vñ wiß
die vgesesseheyt gūt ist / d sol also gemacht wer-
de. Das mā neme yber lāgēpfeffer / vnd galgā yedes
iij. lot. Negelein. cubebe yedes ein lot. Indisch nuß. ij.
lot andhalb quiti / dz sol alles zu puluer gestossen i ein
säcklein senftlich gepūde / vñ in. vj. pfūd gūtes gerēde
weins getā vñ wol bedectet werde dz es nit aufrieche
vñ dz dan lauter werde lassen / vnd so es not thut sol
mā i stetznütze vñ dz säcklin mit darauff thun. Es ist
auch gūt die kaltē leüt zu erwärme vñ die feuchē zu
truckne. Vñ hilft wiß alle plöūg dē bösen feuchē kēyt

¶ Augentrost wein.

Wein von Augentrost zu latein. Eufasia genant / wirt der massen bereyt. Das man das kraut in most thun sol / darauff wirt dann augentrost wein / Von geprauch sollichs weins verlassen die augē alle vnsaubrikeyt / vnd werdent widerumb verjungt es wirt auch dar durch die hindrüg der augen vñ gepresten des gesichtzs von allen menschen hingenomen Im welli hem alter oder wesen oder ob sy von natur flegmatica oder sayst seyen Wan das krautt ist heysß vnd trucken / vnd der geprauch dyses weins hatt on zweyfel mit seinen gleich zu nutzperkeyt des gesichtzs Des sind gezeügen glaub wir dig lewt / die es an in selbs versucht habet. Dan als sy vor on augspiegel mit möchtent gesehen / habent sy darnach on die spiegel subtil brieffe gelesen. Ob aber d wein zu vil starck were / sol man in mit fenchel wasser temperieren vnd ob es not ist zucker dar zu thun.

¶ Wein von Alantkraut.

Alant wein wirt also gemacht. Man sol nemen Alantwurtzen in latein Enula campana genant die wol gewaschen vnd getrucknet sey / vnd sy zu stuckē schneiden. Dan sol man frischen most von der kaltern nemē / vñ die wurtzen darin kochhen in einē kessel od ne wox haffen so lang piß die rinde d wurtzen sich vō de innerē stamē schölffen lassent / darnach sol man es

seyhen vnd die wurtzen dan hinwerffen. Vnd so es
lôw wirt in ein vass mit most giessen vnd vergere las
sen. Vnd also magst du auch von dem saluayen thun
Der wein ist gesund so dz geäder von kelte erstaret
ist. Er hilfft auch wider de schmerzzen des magen auß
kalter vrsach kômende/wider den schmetzen der prust
vnd für den kalten hûsten. ¶ Es sagt Ypoeras der
meister das der alant wein den zorn vnd traurigkeît
hin nem/den mund des magen stercke/ die prust reyn
mige. Vnd die überflüssigkeît die in de mîere ist durch
den harin/ auch den frawen durch ir krankheît auß
treib. Auch wein in dem der Alant Enula campana
genant in latein drey tag gestande ist der lautert dz
gesicht wunderberlich.

¶ Saluayen wein.

¶ Saluayen wein wirt in manigerley weiß gemache
Etlich henden die saluayen etwarem in ein vasslein.
Etlich siedent sy/er werd aber gemacht wie er wölle/
also das er nit erstöret od verendert werd/sunder bey
seiner gûtheît beleig. So wirt sein geprauch in aller
gepredhligkeît des zansfleischs bære gûg vnd schmer
tzen der zen / vnd sonderlich zu allen geäderten geli
den wunderberlich erfunde/ er stercket die gelider die
durch böse schleymige vñ wässrige feuchtigkeît ge
schwacher vñ gekrencket sind/ als in de Paralîsis vnd
de krampf/ vnd ich hab es versucht an vil leuten/ die

kröpfig schmerzē vnd sücht des gräders hettent/ die
sind durch salbung vnd speisnützig dises weins et-
wa gesund worden/ vnd dise ding so in de fall gesun-
den werdent/ sind gewis vnd wunderber. Der wein
hilfft auch zu der fallenden sucht vnd vorauf in den
sacken des magē vnd d mütter wann es sind ädzig stett

CYsoppen wein.

WEin von Ysoppen hat krafft zu entledige zu
uerzeren vnd an sich zu ziehen/ man sol dar zu
thun süßholtz/ vnd solicher wein gezimpt den alten-
er ist gut zu de feuchte hūstē vnd zu der fallende sucht
die vertreibet sein geprauch offft vnd am maiste an de
kinder. Er trucknet vnd heylet auch die feuchte stet.
ob sy da mit gewaschen werdet als die lunge vñ die
müter. Er macht die stym klare/ wann das kraut ist
heiß. Der wein zimpt auch den wasserfüchtigen.

CWein der alle fürnemliche gel der stercket
vnd jr gesuntheit behalt/ wirt also bereitet.

CMan sol nemen weiß ymber. iiii. lot Cardamomū
j. lot. Zimetrid ein halb lot. Mastix. j. quinti. Cor an-
der. ij. lot. Rot rosen ein halb lot. Honig oder Zucker
pfund vnd ein bittrich oder vāßlein vol gütz weins
Vnd solicher wein sol als klaget gemacht werden.

CWein der den gantzen
leyb stercket.

Wem der den leib stercket wirt also gemacht
Man sol nemen von cubeben negelin / ymber
weiberlein yedes .j. quinti das sol man siedē in .iij.
pfund des besten weins / piß der dritteyl eingesied vñ
sol auch dar mit siedē lassen .xj. lot rosen wasser vñ
zucker. Daron sol mā trincken des morgens vnd ab-
bends .iij. lot oder mynder ¶ Dises weins geprauch
stercket das hirn vnd die natürlichen krafft / er gestil-
let den kalten fluß von der nassen. Er zympt alle al-
ten lewten / er ist güt wider die kurtzung des autens /
vnd geprechen des hertzen / vnd wider alle chmertze
der gelider / des magē kelte vnd die überflüssige feuch-
tigkeit die durch mangelley regierung des leibs ver-
lassen ist verzerende. Es macht rechte hitz vnd schaft
die speyß gedeuet werde vnd bringet güt plüt. Er ist
güt wider die plöwung des leibs vnd auch wider an-
der vrsach der müter / von kelte oder übriger feuch-
tigkeit. Dar durch die weyber von kinder zu empfangen
enthalten werdēt. Er ist auch nützlich wider die vnwil-
lung vnd wider die rür / vnd wider alle vndeutung.
Er stercket alle geystliche gelider / vnd sein geprauch
ist güt den gesunden vnd auch den steten vnd kalten
krankheytē in denen die obristen glieder erkaltet vñ
pruckhaft worden sind. Er ist auch ein triacker des
lebens. Vnd wunderlich gezimpt er dem husten vñ
dem hertzen.

C Venhel wein.

WEin der von fenchelsamen gemacht wirt. Ist
güt für die tünckelen der augen/ erwecket die
vnkeusch/ entlediget die wasser sucht vñ die aufsetzi-
keyt/ das hab ich an kinden versucht/ vñd war sey er
funden/ es kompt entgegen den giftigen vñd bösen
speysen. Es ist güt w. der 2 en hēsten/ vñd die sachen
der lungen. er meret die milch vñd den natürlichen sa-
men. Vñd weñ der wein mit der fenchel wurtzen ge-
macht wirt/ so hilfft er der mieren siechtigen vñ heilet
die krankheiten der platern/ wān er reiniget die ma-
teri vñd entlediget der frawen krankheyt / vñd der
wein von dem fenchel samen gemacht vertreibt sun-
dlich die vnwillung vñd gestillet der seiten schmerzen
er vñtreibt die plöwung/ sterckt die döwung. Er thut
auff die verschoppung des miltz vñd der lebern/ vñd
reiniget die schmerzē d glider. ¶ Amis wein.

WEin von Amis gemacht thut auff die vñschop-
pung d jnneren wege vñ gēge / er behüt vor d
grymēde sucht vñ vor d plöwung vñ macht gerecht die
döwung/ vñ nymt hin die feuchte roptzung/ sein ge-
brauch ist/ dz er sundlich d safft den weibern gezimpt
wān durch öffnung d schweßplöcher/ subtilig des plütz
vñd durch er warmig meret er die milch vñd machet
gerecht die wässrige milch vñd wān zucker darzu ge-
tan wirt/ so vertreibt er den schmerzē der mieren/ zu

gepresten der nieren von der plöwung vnd de grieff
komende/ hab ich kam behendre artzney funde / wan
geprauch vnd niessung ditz weins/ vnd latweri von
dyadragant vnd dyamis. Wan sy machet den sich
tagen bald ruen/ vnd durch reinigung der nieren zie
hen sy auß das grieff/ vnd dyser wein mag mit oder
on feuer gemacht werden.

C Juden töcklin wein.

WEin von Jude töcklin/ In latein al'ekengi ge
nant. Das ist von Rottē äpfelē. Vnd mā
haimet sy zu zeyten des weinlesens vnd sind rot als
die kirschen voller körner als die seygge körner vnd ligē
in rotten klupoten hülßen vnd sind eins gütten ge/
schmack's mit ein wenig bittre. Man mag sy dz gätz
jar behaltē in iren hülßen/ das sy nit faulent noch durc
werden/ vnd so man da mit arbeiten wil. Sol man
der selben öpfel fünff oder sechß oder mer nemen/ vnd
mit gutem wein zerstoßen seyhen vnd trincken/ das
entlediget zu hand den harm/ wie hart er vñhindert
ist vnd zeühet auß die sandigē materi von den nieren
vnd der platern in grosser mengin sichtberlich das es
mit der hand möcht auff gehebt werden vñnd dises
wein emssiger geprauch heylet söllichen schmerzen.
Bey meiner zeyt ist gewesen ein Cardinal. der im
dreyen tagen kein harm gehabt hett / vnd was ge
schwolle vñ erbläet das kein andre ergney in helfen

wolt/da ist auß rat eins kleinē artzat durch dz trāck
dyses weins/der harm entlediget wol. Vñ ein grosse
mengin von im gegange/ vnd der güt her dar durch
gesund worden.

C Negelein wein.

Negelein wein wirt also/das man Negelin in
einē sacklein in ein vass mit most hencf. Der
wein ist vil truckner natur vnd hat krafft zu entledi-
gen zuuerzeren zu truckne vnd an sich zu ziehen/vnd
ist güt für den a'ten keychenden siechtage/ vnd für de
alten faulen hūste. auch für die fallendsucht vnd kurtz
en autem. Er stercket die döwung vnd macht wol ge-
schmacken autem. Aber zucker vnd süßholz benemēt
im sein truckne.

C Gewürtzter wein.

Gewürtzter wein wirt gemacht. Also das mā
die specerey in einē sacklein in dz vass da wein
oder most innen ist hencf e so wirt der geschmack vnd
nutzberkeyt nach gestalt der gewürtze sy sein kalt c d
warm/diß oder das.

C Wein für den hūste vñ heysre.

Wein für den hūsten vnd heysre vnd das key-
chen ist also. Das die krafft von eins/fenchel
vñnd süßholz in wein gelassen werde / also das des
süßholz zwifeltig gegen dem andern sey / das sol mā
stetz trincken/wann es ist heymlich vnd sicher.

Ein wolgeschmack wein.

Ein wolgeschmack wein/ zu zierde der frauen & da weiß subtil vnd wolgefärb machet/ wirt also gemacht. Man sol von ymber vnd zimetrinden in wein thun/ vnd solichs dan als das Rosenwasser außsprēnen. Es ist auch güt wider alle kalte complexion vñ sucht/ vnd am meisten für das Paralifis. das ist ein sucht der gelider.

Ein wein dem man wēn man will/ einen yeden geschmack geben mag welcherley man gern hat. Vñ es ist ein hoffliche sach Am meisten gepürlich de herre die sich erzeigen wollen. Als ob sy wunderber vñ mācherley wein haben. Er ist auch güt zu nutzberkeyt mancherley ertzney/ nach krafft der ding so dareym gethan werde. vnd die sach kurtz ist vnd der massen. Man sol kreüter oder specerey. welich mā wil ein tag vnd ein nacht in geprentē wein legen/ das die krafft des selben dings in den geprentē wein verleiht werde so wirt da die versüchug vnd geschmack der selbē gewürtz oder kreüter. Vnd von disem geprenten wein sol man ein wenig in den wein so mā in trincken will thun/ so gewynnet der wein die versüchung vnd geschmack der selben materi.

Der aller ediest wein der den plütfluß verstellēt vnd den magē sterckēt/ der wirt von kütinen saft vñ lauterem wein vnd Rosenwasser eins als vill als des

anderñ gemacht.

¶ Wer mit wein.

WEr mit wein/ wie wol er an dē wer'ichen het.
halst/ so ist er doch grösser krefft in den sachen
der menschen die der complexion. Melancolia genāt
sind. ¶ Er wirt also gemach das man grünen oder
duren wermit in wein hendlen sol. Aber noch ein an-
ders vnd bessers ist zū mercken/ das man nem frisch od-
dure wermit. vnd das in ein sacklein oder ander ge-
schir thun/ vñ den wein warm oder kalt dar durch sey-
hen/ so oft vnd dick biß er den geschmack vnd krafft
da von empfacht. Vnd man sol zucker vnd honig als
sich gezympt dareyn thun. Vnd das ist der besser we-
ge/ wann die krafft wirt durch den wege bas herauf
gezogen. Der wein ist güt für die waid wurm/ vnd
für die schleyimigen materi/ die in der hōlin des leibs
vnd an heimlichen stetten verborge ligent. Er entle-
diget öffnet/ vnd verzeret/ Er hat dar zū krafft vnd
eygeschafft zū stercken. Er ist güt wider den fluß des
mage für verschoppūg vñ miltz vnd der lebern vnd für
die gelsucht. Er ist nütz wann ems sein syn vñ leuset/ vñ
widerbringet die verlornē sprach. Er hilfft für vñ giffte
vnd giftliche kelte. Seim geprauch lawtert dñ gesicht
dē mage vñ vñ lebern kōpt er zū hilf/ enlediget dē harm
er reinigt der frawē krankheit. Er entleset die grobē
feuchtheit vñ dē pauch/ er widerstet allem giffte/ vnd

ob des weins dampff durch einen trichter in die oren
gelassen wirt / das hilfft der vngehörung / wann ein
wund darauff gewaschen wirt / so weschet kein fistel
noch pöß fleißch darin. Er heylet die krätzigen haut.
Vnd so man sein genossen hat ein teyls vor ee einer
auff das mör setzen wil / so hilfft er für vnwillig vnd
kotzung. Er ist auch gesund zu zeiten der pestilenz
vnd der verwandlig der stett / vnd heymfuchig der
kranken / wann er lasset nit schaden bringen de vgiften
luft. Es sind auch etlich die in zu aller zeit des glets
prauchent vn sprechant das sy kein krankheit fürchte
das gantz jar / er bringet schlaff die geschwulst schmer
tzen vnd süchten der gelider heylet er. In den halß ge
gossen vnd darin gegorgelt hilfft wid die geschwulst
der zungen. Er hilfft zu vil andern süchten. Vnd als
Macrobius sagt. Ist vor zeite das lob dises krautes
er waschen / das man zu einem sigzeychen dem d / der
vorderst hertzog vnder dem zeug was / von seinem
safft zu trincken gab so man streyten wolt vnd gelob
ten das er dar durch solt enpfahen sig vnd heyl.

¶ Gewässertter wein.

Gewässertter wein. Ist vast gesund. Ich hab
einen artzat von grosser kunst kennet d keine
andern wein tranck. Es ist auch kein besser für krack
leut. Wan es wirt ein krefftigung vnd vermischung

auß wein vnd wasser. Dañ es wirt der dampf vnd
wietüg des weins durch das wasser hingenomē. Es
wirt auch die kelte vnd feuchte des wassers durch dñe
trückne vnd werme des wein natürlich vnderet. Vñ
wirt die werme vnd trückne des weins der kelte vnd
feuchte des wassers zūgelassen. Also das es ein vñmēg
te vnd temperierte sach wirt. Das wasser sol aber vñ
einem gūten frische brūnen kōmen. Vnd der wein sol
vor ee dz er zū dem tisch getragē wirt gemischet wer-
den. Dañ etlich herren vnd Prelaten lassen erst das
wasser in den wein gießen so sy trincken wöllent. da
von kompt betrübnuß blōwūg vnd mißdōwūg des
magen/ vnd die vrsach d mißdōwung ist die/ als die
widerwertigkeyt des getracks wein vnd wassers ist.
Also mag auch nit ein einhellige dōwung geschehen
So aber die eigenschafftē wein vnd wassers/ die vor
widerwertig warn/ zū der teylung gesetzet vnd ver-
mischet sind/ wann yetzo ist das wasser von d wein
gelitten. Vnd in seiner kelte vnd feuchte auch d wein
in seiner hitz vnd trückne milder vnd lāssiger vñ eyn
vermengte sach der dōwung durch die verglichung
mit geschickt worden Vnd disen vnderchied sieht mā
klārlich. Darn so das wasser in den wein vermischet
wirt so sieht man offentlich in dem glāß die bewegung
zwischen innen / vñnd die auffsteygung des weyns.

vnd absteigung des wassers als zwey widerwertige
ding die miteinander streiten zůsamen gemischet
werden. Aber so es ein weyl gesteeet so hört auff vnd
rűet die vermischung. Dan so ist es zeýt zů trůcken.
Vnd etlich erzt vermeynent das der sechß teyl fůlle
wasser seın. Vnde metrista. Fabricat in fronte qui vi
nũ bibit sine fonte.

Nach dem am anfang. Von Essig zů machen
gelautet hat. So wil ich hie nach ettwas da
von sagde. Darumb ist zů mercken das mägerley ge
schlecht des Essichs sind. Vnd in manigerley weyse
gemacht werdent.

Item mā sol nemē einen Essig krůg halb vol alts
weins vnd den an die Sonnen oder zů einem feuer
setzen. Das er des bas erwarme biß das er Essichen
wirdt.

Item oder man sol nemen ein krůg da vor essich
innen gewesen sey vnd das er noch da von schmeck.
den sol man am ersten mit wein fůllen biß zů halben
teyl vnd in wol vermache vnd darnach in einē kessell
vol siedens wassers werffen/ vnd etwe lang also dar
in sieden lassen. So wirt der wein zů essich.

Item man sol einen reynen haffen mit wein fůlle
bis zů halben teyl oder darůber Vnd einē sauren rűg
ginen heffel eins eyß oder faust groß in ein leyne tůch

verpunden dareyn thun vnd es also zu dem feuer
setzen das es wol erwarme/ so wirt es essich/ oder man
nem plech von stahel wol gefeuert vnd lesch sy am
ersten drey mal in gutem essich ab. Darnach sol man
die selben plech behalten. Vnd wann man schnelllich
essich machen woll aus wein. So sol man die selben
plech hitzigen vnd so sy heys werden/ die in wein
leschen so wirt es zu hand essich.

CItem man sol nemen wein vnd de in einem reyne
hassen oder kessel sieden vnd verschawmen. Darnach
in dem hassen woll vermachet / drey tag vnder das
ertrich graben vnd nach dreyen tagen heraus nemen
vnd wider sieden lassen so wirt es essich.

CItem man sol nemen weinkörner vnd vil abitz
von außgetruckten trauben/ vnd sol die wol truckne
vn sy darnach zu puluer stossen vnd mit de beste essig
vermischen. Darnach das selb puluer an der sunen
trucknen/ vnd das also zu drey mal thun. Nach dem
sol man das puluer behalte/ vnd wann man bald essich
habē woll sol man ein wenig vo disem puluer in wein
thun/ so wirt es zu hand essich/ des gleich mag man
auch thun mit weinstein so hat man bald essich.

Zu machen das in allen geschlechtern des essich
zu behaltung seiner krafft / vast nützlich ist. Ein grosser
zapff von weyssen weyden zu bedeckung der spundz.
Er sol auch lang sein / doch das er den boden mit rüre.
Wan dieses holtz hat einen essich sauren schmack. Vn
von seinem schmack hat es sonderliche krafft zu behal
ten vnd zu meren die essich saure.

Ete Essich von bier wirt also vast starck gemacht
Das man neme. Des ersten vnd besten maltzes / vn
es bey dem feuer also warm mache / das man es kaum
in der hand halten mug. Darnach sol man et wievil
feuchter haffen von alte bier dar zu mischer / die mach
en das biermaltz jeren vnd verkeret es in Essich / vn
ob dan der essich zu hand mit starck genug were / sol ma
holtz von weyssen weyden dareyn thun so hebt er
bald an krefftig zu werden.

So auch hie vor von dem bier zu behalte meldung
geschehen ist. Wil man dan das / das bier lang beleib
Sol man nemen in dem Summer vil eher von wey
tzen die lind sind. Vnd die bey der summer hitz trucke
Darnach sullent sy vmb sant Michels tag in ein rein
lauter bier vass getan / vnd das bier daruber gegossen
werden. So bleibt das bier lang. Vnd so man von
de bier trinckt / sol ma dz vass mit gute reine bier wid
fullen. Vnd acht haben das die eher mit herauß geen.
Auch das eyne bier mit anzucken oder Essichen werde.

sol man eher dareyn thuu. Etlich stoffent zytwam
vnd hendent es in das vass/ desgleych thund sy von
lorberrn ꝛc.

Chie emndet sich das loblich büchlin
von bereytung der wein/ das hatt
gedruckt Hams Bämle zu Aug-
spurg vnd vollenndet am Freytag
nach Bartholomei. Anno ꝛc. Im
lxxviii. jar.

1470.



Final blank leaf missing

★ ★ ARMY ★ ★
MEDICAL LIBRARY
Cleveland Branch

